

1.^{T.}

ABORTVS

BICORPOREVS MONOCEPS

Romæ Anno MDCXCI. editus

In Academia Physico-mathematica examinatus

A

FRANCISCO DE HONVPHRIIS
MEDICINÆ DOCTORE

Christinæ Sueciæ olim Reginæ Botanico, ac eiusdem
Academiæ, in rebus physicis
à Secretis.

MVNIFICENTISSIMO PATRONO
FERDINANDO MEDICES
Magno Hetruriæ Serenissimo
Principi.

DISSERTATIO

EPISTOLARIS

Ad Excellentissimum Doctorem

FRANCISCVM REDI,
PHILOSOPHV M CELEBERRIMVM.

ROMÆ, Typis Reu. Camera Apostolicæ 1691.

SUPERIORVM PERMISSV.

A.

ALBON
BICORPORATE

Home Arts and Crafts
In the United States

FRANCISCO DE MONTE
MEDICAL DOCTOR

Professor of the History of Medicine
in the University of California
1892

UNIVERSITY OF CALIFORNIA
FERDINANDO MEDICES
Magno Historico

DISEASES
STOLARIS

THE UNIVERSITY OF CALIFORNIA
LIBRARY

THE UNIVERSITY OF CALIFORNIA
LIBRARY



Ser.^{me} Princeps.



NON maiora, meis hactenus obtulit natura animaduersionibus, quæ meo vtens debito, digna censerem, vt tuo glorioso nomini à me obsecrarentur. Rarum admodum Gemellorum (vt puto) cohaesionem, Academiae Physico-Mathematicæ hortatu, publicis oculis exponendo ; Tuæ Protectionis sub alis circumferri posse sum ausus, ne vastum illud, & incomprehensibile generationis frætum, perpetuis fluctibus philosophantium mentes obuoluens,

exiguïs infulsè scribentis calami remigijs tranare velle viderer, si opus tot seculorum transitu, elatorum scientia virorum cordatiora pectora dudum fatigans, monstruosi huius Abortus descriptione, breuique dissertatione me extricaturum Studiosi expectarent; sed vt sciant, non in alium finem opus suscepisse, quàm vt innumera, quibus mecum in eâ familiæ Coniunctissimi à te fruuntur beneficia; per læuissimam hanc animi mei, suo Mæcenati, oblationem, innotescant. Quòd si contingeret ad rediuiua Augurum primæuæ Gentis oracula (quæ in hoc casu priscis temporibus non otiantur) me accedere posse; faustissima certè omina, ab ijs mihi inter cæteros enunciarentur, cùm, ad grates Tibi persoluēdas, initium mihi felicem hæc exhibeat occasio. Parua Magno Tuo Genio, exuberantiq; Generositati equidē offerre non erubescō; haud immemor,

memor , victimis deficientibus , egenos populos , siluestres fructus , & olea , suis quandoquidem Deitatibus obtulisse. Fouere igitur haud desine meū , nondum satis accuratæ philosophiæ regulis , excultum ingeniū . Rari fœtus enarrationem humanitate , qua cunctis præstas Heroibus , excipe . Si in aliquo verò erraui magnus ille Philosophorum , tuæque Aulæ decus Franciscus Redit , minimè deerit , qui me corrigere valebit . Interim verò Nestoreos Tibi precor annos , SERENISSIME PRINCEPS , omnigenarum virtutum , bonarumque artium Fautor , & Cultor , meque patrocinari ne desinas rogo . Vale .

SER.^{MÆ} CELSITVDINIS TVÆ

Humillimus, ac Subiectissimus

Franciscus de Honnphrjs .

Imprimatur


Si videbitur Reuerendiss. P. Mag. Sac. Apost. Pal.

S. I. Menattus Episc. Cyren. Vicesg.

Imprimatur

**Fr. Franciscus Maria Forlani Reuerendiss. P. Fr.
Thomæ Mariæ Ferrari Sac. Ap. Pal. Mag. Soc.
Ord. Præd.**





7

CLARISSIMO VIRO
FRANCISCO REDI
FRANCISCVS DE HONVPHRIIS.

S. P.



AVD Africam perscrutandam aggredior [Vir Excellentissime]. Nihil prorsus mirabile curiosæ Eruditorum, tuæque expectationi me allaturum polliceor. Quod Orbis Philosophis patefacere cupio, non ut illius monstruositatis clamore, ad contemplationes euecti operis raritatem, admirentur. Verum qua ratione id à natura factum contingat, à sagacioribus eorum mentibus indagetur, propono.

Circa Martij mensis initium, Romæ Abortus Biciporeus septimestris exoritur, Genitoribus haud genere claris. Is quamprimum in lucem edicitur statim animaduersionibus exactis offertur. Extrinseca eius insolitaque partium structura examinatur. Quare eam, prius notis diligentissime perspectis, descriptam, prout in effigie delineata, satis accuratè conspicitur, postmodum eiusdem partium conformationem exhibemus. Satis ergo amplum, Thorax sustinebat caput, vnicum numero, vnicoque parùm deformi vultu exornatum: duæ verò in ipso laterales extuberantiæ erant, quæ duo videbantur occipitia. Aures quatuor reperiiebantur, quarum duæ in postica cranij parte, communiter occipitium effingente, constituebantur. Verùm eadem effoetæ, & inutiles, & nisi attentè intuentibus, vix apparentes. Duæ spinales medullæ dorsales occupabant partes, vertebrarumque duplex series. Dexterâ Thoracis media pars vnus

alterius sinistrae perfecte ad sternum iungebatur, ut Thorax planè vnicus repræsentaretur, sed falsò: si etenim, costarum series, & numerus, ab vnus dextera, & ab alterius sinistra procedunt, & sterno coherent; fatendum, necesse reor duabus diuersi generis partibus Thoracem constari, qui vnicus à nonnullis creditur. Bina vtrinque propendebant brachia, non admodum longa, suisque digitis integro numero referta. Coalitus corporum, medio sterno, costisque numero duodecim ad ensiformem cartilaginem, epigastriique regionem extendebatur. Duplici fruebatur abdomine, vnicum verò per vmbilicum, vasaque ipsum constituentia, Matri adnexum foetum in vtero moram, vitamque duxisse videbatur, qui improprie situs in ea abdominis parte vbi geminabantur corpora, bifariamque diuidi incipiebant, collocabatur, affabrè verò sexum distinguebat in vtroque muliebris vulua. Infernè postmodum aecedentibus coxis, cruribus, pedibusque quatuor totam molem effulcientibus.

Quòd verò ad internam partium structuram attinet, eam non minus attentè animaduersam; exteriori configurationi subnectimus. Primo intuitu Cor simplex apparuit, vnico pericardio, duobus pulmonum lobis ab vna trachea propendentibus circumdatum, in quo foramen etiam ouale (sed vnicum tantum) apparuisse fertur. A corde arteria magna bifida procedens, in quatuor deinde carotides, cruralesque arterias diuidebatur, ex quo credibile fit, naturam duplicatis, tali ordine, vasibus, vitæ communi inservientibus, sanguinemque per ambitum effundentibus, ad foetus geminationem tendisse; idquæ à mala vteri forsàn constructione, vel capacitatis inopia fuisse impeditum. Huiusmodi cordis artificio, geminatis scilicet vasibus, admodum raro, non absimile in nostræ Academiæ actis relatum reperi ab Eruditiss. Doctore Frosini, à bicipite monstro extractum, ac Pisis ni fallor, diligentissimè dissectum, in quo non tantum vasorum geminatione, ve-

runt etiam duplici secto medio; quadrifariam cor diuidi conspiciebatur. Deuenit hunc in sermonem Vir egregius occasione monstri bicipitis Altamuræ Urbis, in Neapolitano Regno exorti; congressuique Physico-mathematico communicati; me tunc temporis traditam de ipso descriptionem referente.

Idemque confirmatum pluriès fuit, ab illustri famæ Doctore, ac Viro amicissimo Iosepho Papa, de præsentis abortu mecum colloquenti: vt planè liqueat, naturam in nostro abortu nihil noui attulisse, cordis vasa geminando. Mediastinum vnicum conspiciebatur, atque cætera viscera, vnico diaphragmate dispescebantur, singula ferè duplicia. Ventriculi duo, vno appendebantur esophago, qui vbi eos ingrediebatur, in duo foramina diuidebatur. Intestinorum pariter duplex series, mesenterio glandulisque duplicatis, prout etiam, hepar, lien, pancreas. Renes verò quatuor, vesica duplex, vterique duo adinuenti fuere.

Maiorem verò mouebat admirationem, internum superioris ventris artificium. Vnicum namque cerebrum capite continebatur, Cerebella verò duo, ab interposito secto quodam cartilagineo; duplicibus duris moëningibus distincta. Cerebri luxuriabat non parua moles, licèt ipsum vnicum testarentur neruorum coniugationes, ad sensoria directæ, oculisque, naso, (lingua absuit) auribus propagatæ.

Quæ omnia diligentissimè ab Eximio Chirurgiæ Professore Hippolyto Magnano anatomicè obseruata fuere, qui omnium, per dissectionem fidelem adinuentorū, Academiæ Physico-mathematicæ [quā non semel dicare suis placuit eruditionibus] vernaculā linguā obtulit relationē. Si quis Ambrosium Pareū curiosius euoluat, Gemellorum dorsibus coherentium effigiem anno 1486. apud Hidelbergam in agri Palatini pago Robarchio natorum reperiet. Hermastroditi fuere ambo, & vnicuique caput di-

finctum. Si verò Fortunius Licetus de Monstrorum causis spectetur lib. 2. varia reperientur Monstra, quæ tamen adamussim nostrum minimè feriunt, vbi enim caput vnicum, duæque vulvæ spectantur in iconibus, & duplicata, ad instar nostri, corpora videntur, attentè si respiciantur non nisi crura, & vlnæ duplicantur.

Cuius insoliti foetus Illustrissimus, & Reuerendissimus D. Io: Ciampinus Academiæ Promotor effigiem incidi iussit, descriptionemque hanc imprimi voluit, vt Exteris innotescat: ijs vtens Præsul iste erga ipsam Academiæ munificentia, & amore, quibus eandem à tot annis proprijs sumptibus est profecutus.

At verò; si peregrinanti meo ingenio, in monstruosi abortus examen, temerè calamum stringere liceret; non mihi levis ab eruditis viris, à Te præcipuè DOCTISSIME REDI per beneuolam redargutionem aliquid addiscendi, sese offerret occasio. Miretur etenim quis velit extraneū hoc naturæ opus prodigiosumque prædicari non desinat; nunquam certè mirabor magis, quàm si geminos ab utero editos foetus respicerem.

Quid enim refert, si eos natura sterno, costisque coniunxerit, aut disiunctiuè produxerit? satis est autmare eam in perfectum finem tendisse, & ab extrinseca aliqua causa fuisse remotam.

Acres hic ouariorum defensores, rem forsan haud iniucundè extricarent, bina scilicet oua in vterum prolapsa, simul cohesisse; atque exinde monstruosum partum fuisse excitatum: Cui (fateor) sententiæ inuitò me obijcerem [cùm sæpe idem contingere videatur in fructibus, ex quibus quandoquidem cerasia, mala aurantia, nonnullaque alia, bina ex vno pediculo propendentia, cernuntur] nisi multiplices mentis dubitationes eam suspectam agnoscerent. Quomodo enim fieri potest ista adamussim ouulorum coniunctio, vt cor in vno ouo depictum, delineatumque, alteri cordi perfectè adhæreat, & vnum fiat.

Esophagus esophago coniunctus, iuxta ventriculum bifide diuidatur; Cerebellum Cerebello vniatur; quinimò ossum ipsa durioris consistentiæ materia, si in ouulis resideat, ita vniatur, vt vnum craniũ efformet. Rationes forsan afferre non desinent, desumptas ab ouis gallinaceis, quorum aliquod binis vitellis repletum interdum cernitur, vt credibile inde fiat per ea duplicia animalcula ista, duplex aliquando caput, aliquando aliud membrum afferre, vt vidimus anno elapso in pullo bicipite, cuius delineatio apud eundem Illustrissimum, ac Reuerendiss. Dominum Ciampinum asseruatur; verũ hoc animaduertendum ijs remanet; pullum, non ex vitello omninò efformari, sed ex cicatricula, vt Doctissimus Malpighius in suis de Ouoincubato obseruationibus aperuit, hæc verò cicatricula, ac veluti punctũ saliens non patet in ouis, quæ gallinæ nondum gallum passæ pariunt, vnde colligere licet galli semen, non tantũ oua ista fœcundare suis moleculis semineis, verũ etiam in ouorum vitellis materiam ita disponere, [quod virile semen in vtero, muliebri semini se immiscendo agit] aded, vt delineamenta pulli, in ipso sculpta remaneant, sicuti in plantarum seminibus tota plantæ structura representatur. Quòd verò in mulieris, ceterorumque viuiparorum vterum, masculino semine effuso, per eiusdem in fluidis exagitationem, ab ouarijs oua in ipsum illabantur; non video maiorem rationem, quàm se vidisse graues seculi scriptores testentur.

Hominem à cunctis animantibus differre voluit diuina cunctarum rerum operatrix manus, sed præ cæteris à gallinaceis pullis, alijsque ouiparis, cum gallinas, aliaque pennata, volatiliaque structuram diuersam ab alijs animantibus efformauerit, ijsque etiam abstulerit vteri gestationis incommodum, vt ad volitandum melius æquilibrentur. Volatilia etenim inepra ad volitandum fierent vtero intumescente, ponderisque augmento solito ceterisque eorum motu moueri nequirent. Animantia verò

terrestria, quorum nonnulla, oua etiam parere cernuntur; licet motu haud valde violento, à natura tradito moueantur; oua pariunt, eò quia diuersimode ab alijs figurantur, & construuntur partibus solidis: exemplum testudo sit, in qua cum vterus dilatari nequeat, propter corticis soliditatem oua parit, ac extra vterum prolis promouet incrementum.

Posito autem vt superius inuimus, quòd si in ouo cicatricula non reperiatur, ineptum sit generationi, & quòd ab ista cicatricula exordiantur animalcula; erit igitur consequens, quòd si in ouo bina vitella reperiuntur, cicatriculæ inuicem vniantur, vt bina capita animalculo efformentur? Certè aliter quoque res procedere potest; quòd scilicet in vno vitello remaneant galli vires seminales abundantiores, quæ si extricentur, possint vel geminare pullum, vel duplicibus membris edere refertum. Obseruatum enim est, quòd vbi bina vitella reperiuntur, alterum valde effœtum conspicitur, vt credibile etiam sit, non per duplicationem vitelli, pulli fœtum duplicari, verùm in vnico etiam vitello à galli vi posse delineari.

Quomodo igitur (supposito in mulieribus ouo) eorum bina cohærentia monstrum efformabunt? Si enim à semine virili fœcundari debeant oua ista imaginaria, id equè bene in vnico fieri posse ouo facillè autumari potest, si verò in vnico geminari valet fœtus, melius est dicere in nullo.

Vniiparorum forsan vtrorumque seminum substantia, si illa in vteri cavitatem volatiliori sale, spiritibusque opulenta nimis iniiciatur, ibidemque remoretur; huic phænomeno materiam præbere posse videtur. Quid enim obstat (si superfœtationis etiam casum respiciamus) sine ouorum interuentu ipsam perfici posse? forsan vteri arctissima illa, declamataque post conceptionem clausura, vt necessariò sequi debeat ouorum prolapsus ab ouarijs

rijs in oclufum extrinsecè vterum? Certè plastica illa vis
feminalis, viam sibi inuenit, per quam vterum ingredia-
tur, seminiq; foemineo commixta (vt Lucretius inuuit)
animalculum efformet .

Et commiscendo cum semen fortè , virili

Fœmina commulsit subita vi corripuitque

Corpore de patrio, maternoque sanguine crescunt

Semina , cum veneris stimulis excita per arctus .

Obuia confluxit conspirans mutuus ardor .

Et ommissâ ridiculâ seminis in lauacro effusi historiâ ;
per quod fœmina fœcundata fertur ; mirum non erit
credere , etiam si virile semen in vterum iniectum , ab ipso
postmodum elabatur , fœmineum semen purioribus viri-
lis seminis partibus posse fœcundari .

Quæ quidem omnia ouariorum propugnatoribus licet
fauere videantur , videlicet virilis seminis illâ volatiliori
parte , ova quoque fœcundari posse . Nonnullis tamen
suspecta videbitur eorum ratio ; donec superius allatæ
difficultates soluantur, ouulorumque cohæsione, nostrum
à natura monstrum formatum fuisse clariùs elucescat .
Supposito namque in ouulis perfectissimo totius anima-
lis corporis delineamento , cordis stamina, viscerumque
omnium completa structura in singulis desiderari per con-
sequens non debet . Cor igitur istud, in abortu repertum,
vasis duplicibus, fuerat ne prius in ouo A. vel in ouo B.
exculptum ? Si verò fuerint bina corda, hæc, quo pacto si-
mul fuere coniuncta , vt vnum construerent cor ? forsan
ignorantiæ pallio , partium scilicet sympathiâ ?

Seminum certè materia, in ijsque residens efformatrix
virtus in causa offertur: hæc autem vel in hoc, vel in illo cō-
stituatur principio , non hic nimis differendi est occasio .
Saliū quidem non minimum in generatione artificium,
agnoscerem , illorumque iuxta naturam effingi maximam
quoque rerum seriem censerem . Quare non abs re puta-
rem

rem salium volatiliū exuberantiā in semine, posse conceptionem multiplicari, quique prout naturā diuersificantur, dissocianturque, possint hi cor, illi iecur aliasue partes contexere. Vulgatissimā experiētiā satis innotuit, sales diuersi generis simul commixtos, & aquoso menstruo dissolutos, sensim se præcipitando, seiungi, ac separari, & iuxta eorum similitudinem, figuramque inuicem vniri, ac in cristallos coagulari. Non absimili modo extricari puto seminis moleculas salinovolatiles, magisque spirituosas, adeo, vt aliæ ad cerebrum, aliæ ad cor, aliæ ad ossa efformanda se explicent, incumbantque. Sic illæ, quæ ad cor delineandum fuere in casu nostro particulæ aptæ; vbi duo corda aliàs effinxissent; vteri compressione, vel fortasse matris imaginatione (quod non minus probabile videtur) diuersimodè agitatæ, per earumdem analogiam inuicem coniunctæ, & colligatæ vnicum cor fabricauerunt, cerebrumque. Atque in hisce sanè moleculis, puto delitescere morborum hæreditates, auorum proauorumque in foetu, inextricabiles similitudines, plusquàm in ovo consistere. Mulus quippè si equā matre gignatur, minimè forsan illius ab ovo procedens; plus patrem representat Asellum. Cecinitque Lucretius:

*Fit quoque interdum similes existere auorum
Possit, & referant proauorum sæpè figuras
Propterea quia multa modis primordia multis
Mixta suo celant in corpore sæpè parentes,
Quæ Patribus.*

Sed vndè temerè, atque impudenter nimis in philosophicas quæstiones digredior, tantique Præceptoris sub oculis, arduam hanc in arenam descendentem me cerno? Si tuis solum (Vir eruditissime) de insectorum generatione voluminibus totum ferè physiologicum orbem contigit sat erudiri; audacem, irreuerentemque profectò nimis me, tuo quondam gratissimo colloquio potitum, ac postremo
episto-

15

epistolarum doctrinâ , discipuli familiaritate benignè dita-
tum , inconcinna in altioris indaginis rem mea ipsa argu-
menta detestabuntur . Pullulanti ideirco parce Mineruæ
temeritatem , sciasque à te Physicæ Reipublicæ Seniore
damnari gloriosius mihi futurum , quàm ab alijs collauda-
ri . Vale Romæ . Quarto Kalendas Iunij CIOCCXCI.

21
[Faint, illegible text, possibly bleed-through from the reverse side of the page]